

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **71 (2009)**

Heft 2: **Ethik und Religion**

PDF erstellt am: **19.09.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Oh tgi fa schon cureisma!

In tal tetel vess avon paucs decennis provocau dabia discussiuns, per franc ellas retschas catolicas dalla Surselva. En ina Surselva notabene ch'enconuscheva da lezs temps aunc «la lavina nera» che vegneva da trer e purtar mintga candidat dall'atgna partida en in mandat politic cantunal ni naziunal. Dapi lu ei bia aua currida dil Rein giu che ha purtau novas undas, modernas e globalas. En ina tala dimensiun ch'il tetel sura po tgunsch mo pli provocar quels dil culier alv.

DAVID FLEPP, PRESIDENT CONFERENZA GENERALA ROMONTSCHA SURSILVANA



En ver Paid ed el zuppau para la cureisma dad esser pulit actuala.

Igl ei enconuschent ch'ei dat persunas che fan onn per onn cureisma enten desister dad enzatgei. Ils ins maglian negina carn, ils auters laian la detta dalla carezada tschugalatta. Aunc auters beiban negina biera durant quei temps ni fan il propiast da calar da fimar. E lu dat ei aunc quels che prendan avon enzatgei e vegnan da tener en ei strusch in di. En scadincass para la cureisma dad haver aunc igl onn 2009 ina certa impurtonza.

Ni eis ei forsa «mo» igl empruar da desister dad enzatgei sur in temps? Da mirar sch'ins ei ferm avunda da

renunziar ad enzatgei, per cheutras haver in nez psicologic dil gener «Jeu sai ei!»? Ni forsa per sesentir corporalmeim meglier? Lu fussen nus arrivai al pli vast senn dalla cureisma, che vegn ozildi numnaus sut il tiern «giginar» e che ha buc mo plaz el temps da cureisma. Ed era en quei connex eis ei beinenconuschent ch'ei dat persunas che han fatg experientschas cul giginar. In'experienscha ch'ei buc simpla denton enrihonta tenor ils giginaders.

Aschi pauc antiquaus sco il far cureisma ni giginar ei, ei era il tiern «religiun» sco las discussiuns engaschadas dils davos meins han mussau. La religiun capida sco moviment che puntuescha quei

ch'ei communabel a tuttas tendenzas religiosas mundialas; che manegia la medema forza positiva globala; che ha la medema idea da Diu, è sche quella idea vegn ussa numnada Diu, Allah ni Jahve. Oravontut en nies temps caracterisau dalla globalisaziun e cheutras era d'ina migraziun carschenta eis ei indispensabel dad empruar da secapir. E quei cun puntuar las comunabladas denter las religiuns e buca cun mussar las differenzas.

En quei senn duess ei era secapir da sesez che valurs sco carezia proximala, cardientscha positiva e speranza, accumpignadas d'in spért critic, ein il fundament per in viver ensem pascheivel. Valurs ch'ein carschidas ell'Europa dil vest era sil fundament d'ina tradiziun cristiana. Il dubi po esser giustificau che talas valurs seigien era ozildi francadas ella societad, risguardond il fatg che l'influenza dalla Basergia ei pli e pli marginala e che la migraziun crescha cuntinuadamein. Per la Basergia e per la scola denton sa quei fatg esser schanza da sviluppar l'instrucziun religiosa ad in'instrucziun religiosa cumbinada cun in'instrucziun d'enconuschientscha d'autras religiuns e dall'etica. La roda sto denton buc vegnir inventada da niev, essend il niev plan d'instrucziun da religiun – communabel dad omisduas confessiuns – dapi gl'onn 2004 sin meisa. Tal metta la peisa sin in'instrucziun da religiun, capientscha d'autras religiuns e d'etica.